



ՌՈՒՔԵՆ ԱՌՔԵՊԻՍԿՈՊՈՍ

## ՀԱՅ ԵԿԵՂԵՑԻՆ ԵՎ ՀԱՅ ՊԵՏԱԿԱՆՈՒԹՅՈՒՆԸ

(ՍՈՎԵՏԱԿԱՆ ՀՍՅԱՍՏԱՆԻ 30-ՐԴ ՏԱՐԵԴԱՐՁԻ ԱՌԹԻՎ)



այ Եկեղեցու անցած պատմա-  
կան ուղին և նրա կերպարը  
բնորոշելու տեսակետից, խիստ  
ուսանելի է վերանայման են-  
թարկել Հայ Եկեղեցու և Ամենայն Հայոց  
կաթողիկոսության բռնած դիրքը դեպի Հայ  
Պետականությունը:

Արդեն խակ ճանաչված իրողություն է, որ  
Տրդատ Թագավորի և Ս. Գրիգոր Լուսավորչի  
միասնական գործունեությունը՝ Քրիստոնեու-  
թյունը պետական կրոն դարձնելը և այն  
արմատավորելը — հայ պետական և հոգևոր  
խշտանությունների համերաշխ գործունեու-  
թյան հիմքն էին դնում, որը նվիրական  
սկզբունք պիտի դառնար Հայոց Եկեղեցու  
համար հետագայում: Հայ Պետականությու-  
նը պահպանելու համար անհրաժեշտ էր, որ  
Հայ Ժողովուրդը իրեն շրջապատող հեթանոս  
միջավայրից դուրս գար, ստանար նոր կողմ-  
նորոշում և կտրեր հեթանոս ժողովուրդների  
հետ ունեցած կրոնական կապերը և հասկա-  
ցողությունները, որպեսզի նրա հայրենասի-  
րությունը ստանար նոր գույն և նա ապրեր  
նոր վերելքներ ու հոգևոր կյանք, ձերբազա-  
տեր իրեն կուլ գնալու և ձուլվելու վտանգից,  
վերջնականապես և ընդմիշտ կաղապարեր  
փր ազգային կերպարը:

Հասկանալի է, որ պետական երկու մեծ  
գործիչները՝ Տրդատ Թագավորը և Ս. Գրի-  
գոր Լուսավորիչը Հայաստանում Քրիստո-  
նեությունը հաստատելով և արմատավորե-  
լով, Հայ Ժողովրդի համար նվաճում էին եր-  
կու խոշոր հաղթանակներ. ա) նրան հնարա-

վորություն էին տալիս ազգայնապես կողմ-  
նորոշվելու և հեթանոս միջավայրից դուրս  
գալու, որպիսի հանգամանքը Հայ Պետակա-  
նության համար անհետաձգելի անհրաժեշ-  
տություն էր Արևելքի պայմաններում, բ)  
այն հնարավորություն էին ստեղծում նրա  
հոգևոր կյանքի զարգացման համար, տալով  
նրան քրիստոնեական ճշմարտությունները և  
նրա գաղափարական հզորությունը, որ  
նույնպես անհրաժեշտ էր նրան այն ժամա-  
նակվա պատմական իրադրության մեջ  
իր քաղաքական-ազգային-բարոյական կեր-  
պարը կաղապարելու համար:

Հիրավի, Քրիստոնեություն կապակցու-  
թյամբ հետագայում Հայ Ժողովուրդը ձեռք  
բերեց մի շարք նվաճումներ, որոնք դարեր  
շարունակ նրա գոյության խարիսխները  
հանդիսացան և նրա մարտունակության և  
ինքնապաշտպանության զենքերը: Այդպիսի-  
ներն էին հայոց գրերի գյուտը, Հայ Ժողո-  
վրդի ազգային դրականությունը, հայ ար-  
վեստն ու մշակույթը:

Հայ Եկեղեցին և Ամենայն Հայոց կաթո-  
ղիկոսները հետևողականորեն պահպանեցին  
Հայ Պետականության պաշտպանության  
դիրքերում մարտնչելու հերոսական կամքը և  
անշեղ կերպով քայլեցին Հայ Պետականու-  
թյան հետ, հանուն Հայ Ժողովրդի և Հայրե-  
նիքի:

Անշեղորեն գործադրելով այս արդեն սրբ-  
բազան պատգամ դարձած հասկացողությու-  
նը, Ամենայն Հայոց կաթողիկոսները և Հայ  
հոգևորականությունը մեր պատմությունը  
լուսավորեցին բազմաթիվ և բազմազան հե-  
րոսապատումներով:

Եվ ահա պատմական դեպքերը եկան ապացուցանելու թե որքա՞ն ճիշտ էին եղել Տրդատ թագավորը և Ս. Գրիգոր Լուսավորիչը՝ կրոնական նոր ուղին Հայաստանում գծելու տեսակետից, դեպքերն ապացուցեցին թե որքա՞ն փրկարար էին գրեթե գյուտը, անմահ Մաշտոցը, Սահակ Պարթևը և մեր ազգային գրականության աստղաշարը, մեր պատմիչներն ու գրիչները:

Ահա գոռոզ Սասանյանները Հայոսթյունը ձուլելու իրենց գիշատիչ քաղաքականությանը, իրենց փղերով և գորաբանականությամբ, իրենց փղերով և գորաբանականությամբ: Ահա Աշտիշատը, Հովսեփ Կաթողիկոսը և Ղևոնդ երեցը իրենց մարտակոչերով և ըմբոստացումով: Ահա և Ավարայրը, Վարդանը՝ հազար երեսունվեց վկաներով: Ահա Գյուտ Կաթողիկոսը, Հովհան Մանգակունին, իրենց անընկճելի պայքարով, իրենց համառ դիմադրությամբ: Ահա և Վահանանք իրենց վերջնական հաղթանակներով: Այնուհետև Վկայասերը, Շնորհալին, Տաթևացին իր հետևորդներով, շատե՛րը, շատե՛րը:

Հինգերորդ դարի առաջին քառորդից սկսած, Հայ Ժողովուրդը և Հայ Եկեղեցին առաջնորդվեցին Ս. Սահակ Պարթևի հետևյալ պատգամով. «Ես իմ հիվանդ ոչխարը շեմ փոխի օտարի առողջ գայլի հետ»: Այս փրկարար տեսակետը ուղեցույց ասող հանդիսացավ Հայ Եկեղեցու համար հետագա դարերի ընթացքում:

Պատկերավոր այս արտահայտությամբ, Ս. Սահակը մատնանշում էր Հայ Պետականության, ազգային իշխանության և նրա պահպանման անհրաժեշտությունը: Մատնանշելով Հայրենական Իշխանության և օտար տիրապետության սուր հակադրությունը, Ս. Սահակ Պարթևը նախազգուշացնում էր, որ օտար տիրապետությունը, ինչպիսին էլ նուրի, այնուամենայնիվ հոշոտող գազան է և այն երբեք հարազատ չի կարող: Այսպիսով, նա թելադրում էր Հայ Եկեղեցուն և հոգևորականությանը՝ միշտ կանգնած մնալ Հայրենի Պետականությունը պաշտպանելու դիրքերում, քանի որ այդ Պետականությունը — նույնիսկ Հայ Ժողովուրդն էր և նրա մարմնացումը:

Բնականաբար, Հայ Եկեղեցին պիտի մարմնավորեր Ս. Սահակ Պարթևի պատգամը և այն դարձներ կենդանի դոգմ: Այսպիսի դիրքավորումը ուներ իր լուրջ դրդապատճառները: Հայ Եկեղեցին կրոնական հաստատություն լինելու հետ միասին ժողովրդական հաստատություն էր, ուր հայ հավատացյալ մարդը ամփոփել ու արմատավորել էր իր ավանդությունները, ազգային սովորույթները և դրոշմել էր այնտեղ իր կնիքը:

Հայ Եկեղեցու և հայ հոգևորականության գոյությունը պայմանավորված էր Հայ Ժողովրդի գոյությամբ և այն կոչված էր ծառայելու Հայ Ժողովրդին, սպասարկելու նրան, բավարարելու նրա հոգևոր կարիքները:

Հայ Եկեղեցու ժողովրդին սպասարկելու հանգամանքից բխում էր նաև ժողովրդին առաջնորդելու, հուսադրելու և մխիթարելու հանգամանքը: Իրպես պրոված և աստվորում պես կազմակերպված, գիտակից խմբացություն, բնականաբար հոգևորականության վրա էր մնում հավատավոր Ժողովրդին իր սկզբունքով դաստիարակելու պատասխանատվությունը: Եվ, վերջապես, աստագրել խաղորդ և հրմնակառը՝ չէ՞ որ Հայ Եկեղեցին իր հոգևոր դասով նույն Ժողովրդի և Հայրենիքի մի մասնիկն էր, չէ՞ որ Կաթողիկոսից սկսած միաշն եկեղեցու հասարակ պաշտոնյան նույն հող ու ջրը զավակսերն էր, կապված իրենց մերձավորությամբ, հող ու ջրին, իրենց հարազատների և իրենց Հայրենիքի հետ անհոռ սրտով, այստեղից էլ բխում էր իրենց մայր հողը, իրենց ընտանեկան օջախը և իրենց Պետականությունը պահպանելու անմիջական պարտավորությունը:

Հայ Եկեղեցու դիրքը՝ Հայ Հայրենիքը և Հայ Պետականությունը պաշտպանելու խնդրում, այնքան բնական է, որքան բնական է կանաչի ձգտումը արևին ու լույսին, մարդու ձգտումը օդին ու ջրին:

Հայոց Հայրապետները պատվով կատարեցին իրենց այս սրբազան պարտքը Հայ Ժողովրդի հանդեպ: Հիշենք վերջին ժամանակաշրջանից Վարժապետյանին, Արղունյանին, Աշտարակեցուն, Խրիմյանին, Բզմիրյանին, և այլն:

Հայրենի Իշխանությունը վորցնելուց հետո, Հայ Ժողովուրդը համառ և անդուլ պայքար մղեց հանուն Հայ Պետականության վերականգնման և ազգային անկախության: Հայոց Եկեղեցին կարողացավ ժողովրդի մեջ վառ պահել ազգային գիտակցականություն և Հայ Պետականության գաղափարները: Հայ Եկեղեցին հայրենի վանքերը դարձրեց հայ մատենագրության օջախները և հայրենի ոգեշունչ գրականության հատորներով, մագաղաթի լուսաշող բուրգերով անմար և վառ պահեց Հայ Ժողովրդի ազատագրման և Հայրենի Պետականության լուսաշող ու փայլուն հեռանկարները: Վառ պահելով ժողովրդի մեջ Հայության ազատագրության ոգին, Հայ Եկեղեցին միաժամանակ հորդորեց պայքարել հանուն Հայ Հայրենիքի ու Պետականության, քաջաբար հաղթահարել պատմության

ու ժամանակների բերումով իրեն բաժին ընկած անլուր զրկանքներն ու տառապանքները:

Ժողովրդի մղած ազատագրական պայքարը և նրա կրած անխիղճ զոհաբերությունները, վերջապես, հասան իրենց վախճանին. մի լուսաշող առավոտ Հայ Ժողովրդի առաջ բացվեցին ազատության և հաղթանակի դռները:

Հանրաժամանակ իրողություն է, որ նախահոկտեմբերյան շրջանի մեր պատմության մի քանի տարիները, դաշնականի ավանտյուրիստական ապիկար և անպտուղ գործունեության պատճառով, որքան ողբերգական ու աղետաբեր եղան: Լծվելով օտար պետությունների քաղաքական կառքին և դառնալով նրանց հլու կամակատարները, դաշնականը կանգ չառան ամենաանթույլատրելի միջոցների առաջ իսկ, Հայ Ժողովրդի ազատագրական և ինքնորոշման շարժումները խեղդելու համար: Հայտնի է թե ինչպիսի՝ արյունալի ոճիրներով խեղդեցին մայիսյան ապրտամբությունը: Օտար պետություններին ստրկորեն ծառայելու տենդը հասավ իր գագաթնակետին, երբ նրանք փորձեցին Հայաստանը դարձնել նրանց պլացդարմը Սովետական Միության դեմ ինտերվենցիա կազմակերպելու համար: Դաշնականների ավանտյուրիստական գործունեության հետևանքն եղավ այն, որ Հայ Ժողովուրդը քայքայվեց, և կանգնեց կորստյան վիճի առաջ, ենթակա բնաջնջման ու ոչնչացման: Հիրավի, այն իսպառ պիտի ոչնչանար և անհետանար պատմության բեմից, եթե վրա չհասներ և օգնության չգար ազատասրար և փրկարար Սովետական Իշխանությունը:

Համեմարեղ Լենինի և Ժողովուրդների առաջնորդ, Հայ Ժողովրդի լավագույն բարեկամ մեծ Ստալինի ցուցմունքով Կարմիր Բանակն օգնության ձեռք մեկնեց ապրտամբված հայ աշխատավորությանը. 1920 թվի նոյեմբերի 29-ին Հայ Ժողովուրդը թոթափեց դաշնականների տիրապետությունը, դուրս շարտեց նրանց մեր երկրից և հաստատեց Սովետական Իշխանություն:

Շունչ քաշեցին մեր հողերը, մեր գյուղերը, մեր օջախները, հայ գյուղացին և բանվորը, համայն Հայ Ժողովուրդը ազատվեցին կոտորածի և ավերի մղձավանջից: Արևը նոր փայլ ստացավ, մեր հողերը հագան ցնծության և բերկրանքի ծիրանին: Հայ գովաճառ, մուրճն ու մանգաղը, իսկ հետագայում տրակտորներն ու կոմբայնները սկսեցին գործել, զրնգացին մեր սարերը, ծփացին մեր գետերը: Համայն Ժողովուրդը

ցնծությամբ դիմավորեց սովետական փրկարար, ազատարբ արևի ծագումը:

Կյանքը մտավ իր բնականոն հունի մեջ, բացվեցին աշխատանքի, լույսի և գիտության դռները: Հայ մարդը փառվեց իր հող ու ջրին, կյանքն սկսեց ծաղկել, վերածնվել ու վերակառուցվել:

Կյանքի կոշվեց Հայ Պետականությունը, Սովետական Պետականությունը: Հայ Ժողովուրդը փրկված էր:

Հայ Եկեղեցին և Ամենայն Հայոց Կաթողիկոսությունը ցնծությամբ դիմավորեցին Հայ Ժողովրդի ազատությունը և Սովետական կարգերի հաստատումը Հայաստանում: Սովետական կարգերի շնորհիվ մեր երկիրն սկսեց օրավուր աճել ու զարգանալ: Ամենակարճ ժամանակում Հայ Ժողովուրդը կազմակերպեց իր արդյունաբերությունը և Ժողովրդական տնտեսության մյուս ճյուղերը: Մեր երկիրը ձեռք բերեց ժամանակակից տեխնիկան ու գիտությունը: Մեր Ժողովրդի հասարակական զարգացումը աննախընթաց վերելք ապրեց: Գրականությունը, արվեստը և կրթական գործը ըստ ամենայնի ծավալվեցին ու զարգացան վերելքի ապշեցուցիչ ցուցանիշներով: Մեր երկիրը դարձավ Սովետական Միության ծաղկուն հանրապետություններից մեկը:

Սովետական Միության Ժողովուրդների բարվոք կացությունը և ծաղկուն վիճակը աչքի փուշ եղավ գերմանական ֆաշիստների համար և նրանք փորձեցին արյան մեջ խեղդել մեր Ժողովուրդներին: Սկսվեց Հայրենական պատերազմը:

Ինչ էր Ամենայն Հայոց Հայրապետության, Մայր Աթոռ Սուրբ Էջմիածնի և Հայ Եկեղեցու դիրքն այդ օրերին:

Մեր մեծագործ Վեհափառ Հայրապետ Տ. Տ. Գեորգ Զ. (այն ժամանակ Տեղակալ), պատերազմի առաջին իսկ օրերին կանգնեց մեր Պետականությունը պաշտպանելու մարտական դիրքերում: Մայր Աթոռ Սուրբ Էջմիածինը իր նյութական սուղ միջոցներից զգալի գումար հատկացրեց Հայրենական պատերազմի ֆոնդին: Սրան հետևեցին Վեհափառ Հայրապետի քարոզները, կոչերը, ուղղված համայն Հայության, մեր բոլոր եկեղեցիներին՝ մեկ մարդու պես ոտքի կանգնելու և պաշտպանելու մեր փառապանծ Հայրենիքը: Ինչպես Հայաստանում և Սովետական Միության մեջ, նույնպես և Սփյուռքի հայկական հատվածներում լայն արձագանք գտան Վեհի կոչերը: Կազմակերպվեց գեներալ Բաղրամյանի անվան ֆոնդը և «Սասունցի Դավիթ» անվամբ տանկային շարասյունը: Հայ Եկեղեցին, հավա-

տարիմ իր ավանդական սկզբունքին, իր համեմատ մասնակցությունը բերեց իր նախնական Հայրենիքի պաշտպանության գործում:

Հայ Եկեղեցին, պահպանելով արդեն սրբություն դարձած հայրենական պատգամը՝ «Հայ Ժողովրդի հետ, հանուն Հայ Հայրենիքի և Հայ Պետականության», կատարեց իր պարտքը Ժողովրդի և Հայրենիքի հանդեպ:

Հայ Եկեղեցու և հոգևորականության այսպիսի դիրքավորումը բխում է մեր Եկեղեցու և մեր Ժողովրդի փոխհարաբերությունից: Հայ Եկեղեցու առանձնահատուկ գիծն է՝ «Ժողովրդի համար, հանուն Ժողովրդի, Հայրենիքի համար, հանուն մեր Պետականության»:

Այս հասկացողությունը կոխվել և մարմնավորվել է դարերով. այն սրբագործվել է

Հայ Ժողովրդի արցունքով և արյունով, նրա անլուր տառապանքներով, նրա ըմբռնացումներով ու պայքարով, մեր սերունդների և նահատակների մորմոքուն բաղձանքով, մեր Ժողովրդի ազատագրական իղձերով: Այդ հասկացողությունն է կազմել մեր Եկեղեցու ողնաշարը, առանց այդ սրբազան պատգամի և հասկացողության, Հայ Եկեղեցի չկա և գոյություն ունենալ չի կարող:

Ահա թե ինչո՞ւ Հայ Եկեղեցին դարեր շարունակ կանգնել է իր Ժողովրդի և իր Պետականության կռիվին և պիտի շարունակի այդ ուղղությունը նաև հետ այսու:

Այս հանգամանքն է, որ խմաստավորում է փայլ է տալիս մեր Եկեղեցուն, այս հանգամանքն է, որ պայծառ և անմահ է պահում նրա կերպարը, արժեքավորում նրա հոյակապ պատմությունը:

